


WWW.SOLODIPUEBLO.COM



SOLODIPUEBLO@GMAIL.COM

**PROBLEMA:
SMAC TA EXIGI
Y STICHTING
MUSICA TA NENGA
ROTUNDAMENTE
PA PAGA 25 MIL PA
FESTIVAL DI CAISO**



**DIP TA ANUNCIA CAMBIO DEN PROCEDURA PA
KAVEL DI CARNAVAL. CAMBIONAN TA PA PROTEHE
PRIVACIDAD DI PETICIONARIONAN**

**VARIOS POLIS A BAY UN
APARTAMENTO NA BUBALI
PA UN PROBLEMA DI
PAREHA NO CASA**




**ACCIDENTE PA FALTA DI
PREFERENCIA NA CRUSADA
KRUISWEG CU CAYA G.F.
"BETICO" CROES, CHAUFFEUR
BURACHI ENVOLVI DETENI**



**IPA TA
TENE SU
ANOCHI
DI INFOR-
MACION
TOCANTE
21+
TOETS
DIA 10 DI
JANUARI
2024**

UN PERSONA
HERIDA: VELOCIDAD
HALTO CAUSANTE
DI ACCIDENTE NA
SHIRIBANA



Shiribana - Dialuna anochi algo prome cu 8'or y mey ta sosode un accidente serio dilanti Subway(Paradera). Un patruya cerca di e accidente ta dirigi su mes mesora pa e sitio.

Na yegada nan a topa cu un Ford Fusion memey caminda y un banda pa pazuid un Suzuki Swift pega contra un cura di cas.

Chauffeur di e Swift a keda pega den e auto, debi cu e auto ta RHD e porta a pega y a resulta herida.

Con e accidente a sosode
Nos a papia cu chauffeur di e Ford y e la conta nos cu e tawata bayendo pariba y e Swift tawata bayendo pabou cu velocidad halto.


Dado momento eSwift a hay'e ta kita bay na su man robes debi cu un auto a bay pa drecha e parkeerplaats di Subway y pa e no dal den dje e la hala.

Den e maniobra e ta dal e Ford dilanti banda drechi y ta sigui bay y termina contra cura di un cas.
Brandweer a yega e sitio pa yuda Paramediconan saca e chauffeur y pone den ambulance. Caminda parti pabou a keda cera un rato pa e trabounan y tambe pa por a hala e Ford for di caminda.

CAMBIO DEN PRIJS DI
PRODUCTONAN PETROLERO 10
JANUARI 2024

- Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 10 januari 2024:

Gasoline unleaded-premium	: 232,9 cen p/ltr. (- 4,8 cen)
Diesel LS	: 213,6 cen p/ltr. (- 13,6 cen)
Kerosin	: 198,5 cen p/ltr. (- 18,0 cen)
E prijsnan ta inclui BBO/BAZV/BAVP	



- Chicken alfredo pasta
- Steak den mushroom sauce
- Mochi pisca
- Chicken breast den mushroom sauce
- Porkchop den ciboyo
- Balchi pisca
- _MiniBOX_10 florin
- Balchi pisca
- chicken alfredo pasta



PROBLEMA: SMAC TA EXIGI Y STICHTING MUSICA TA NENGA ROTUNDAMENTE PA PAGA 25 MIL PA FESTIVAL DI CALYPSO & SOCA

For di algun siman pasa SOLO DI PUEBLO ta siguiendo un desaroyo entre Stichting Musica y SMAC, unda entre e dos fundacionnan aki tin un problema di placa.

E confirmacion a drenta cu e problema ta sinta pa un suma di 25 mil florin cu Smac por medio di su presidente Daren Van Ommeren ta exige di Musica, indicando cu Musica mester paga SMAC.

Di otro banda Stichting Musica a nenga rotundamente di paga 25 mil y a ta para riba e desicion definitivo cu Musica no ta paga SMAC 25 mil florin.

Arma di presion a cay na awa?

Pa hopi aña e organisacionnan di Carnaval tabata tin un convenio cu Gobierno, cu tur evento carnavaleso, mester pasa via SMAC, (anteriormente SAC) pa un aprobacion, enbista cu SMAC lo ta e "alegemene vergunning houder" pa eventonan di carnaval.

Cu e poder aki, SMAC (y SAC)

tabata por a exige loke cu nan desea, pasobra sin nan, lo no tin permiso pa evento carnavalesco.

Ta parce cu e aña aki, e situacion a dal un buelta, ora cu Gobierno a bay over na otroga Musica e permiso directamente, sin pasa via SMAC y sin previo aprobacion di SMAC. Pues, e arma principal di SMAC awor parce cu a cay na awa, pasobra Stichting Musica no a perde oportunidad di te hasta a saca potret na warda di polis, indicando cu nan a haya permiso.

Ta desaroyonan di cambio, cu loke no tabata por antes, awor si ta posibel.

Antes no ta corda cu presidente di SAC, Sr. Milo Croes a bisa cu nan a crea e festivalnan aki pa asina haya fondo pa draai carnaval. Den tempo di Milo Croes (dfm), ta SAC so tin permiso y tur hende cu kier organisa algo, mester acudi na SAC pa djey bay polis. E poder aki tabata pa garantiza cu tin un carnaval bon organisa y un fundacion cu ta monitor tur fecha,



etc. etc.

Parce cu e poder aki awor a cay na awa y cu ya no ta manera antes, pues tur organisacion no mester acudi mas na SMAC, pasobra SMAC no ta dispone di e mes poder di antes cu SAC tabatin, o sea cu Gobierno no ta sigui cu e acuerdo aki.

Cu e permiso di man, Stichting Musica ta sinti cu nan no mester duna ningun hende placa y tampoco SMAC por exige 25

mil, di cual ya caba nan a dicidi cu nan lo no bay paga SMAC 25 mil, lagando SMAC lomba contra muraya, pasobra SMAC no ta vergunning houder mas di e festival. Asina tambe Carnaval ta perde un fuente di recauda fondo pa draai carnaval.

Ta intresante pa mira ta kico lo bini afor di e pelea aki entre SMAC y MUSICA. Di otro banda MUSICA a anuncia di lo cuminza bende nan ticketnan y lo sigui trankilamente cu nan organisacion di festival.


OPENSTAANDE GELDBOETES

Na 2024 Ministerio Publico lo sigui structuralmente cu cobra debenan di boet. Esey den cooperacion cu CEA y grenspolitie. Personanan cu a wordo condena dor di huez pa paga un boet y cu no a cumpli nunca cu esaki, lo wordo bishita na cas dor di CEA of lo wordo para na frontera door di grenspolitie.

Si resulta cu un hende no por of no kier paga su boet, e lo wordo deteni mes ora y traslada pa prison pa sinta su dlanan di castigo. Un hende cu wordo para na airport dor di grenspolitie, ta core riesgo pa perde su vuelo.

Ministerio Publico ta haci un yamada urgente na personanan cu tin debe di boet, pa nan

percura pa cumpli cu esaki. Bo persona por paga online via e number di cuenta 4000905 di Ministerio Publico na Arubabank bao mencion di bo parketnummer. Tambe por swipe na caha di Ministerio Publico despues di haci un afspraak via e website www.omaruba.com.



“ **Teamwork ta caminda diferente
mentenan ta topa, colabora y logra
cosnan grandi.** ”



Corte di Prome Instancia 11 januari 2024

Horario	Sospechoso	Acto Castigabel
08.15	G.A.R.L.	R.L. ta wordo acusa di mensensmokkel riba prome di mei 2022. E ontnemingzaak tambe lo wordo trata.
08.30	M.M.H. Y.M.T. R.R.R.J.	H., T. y R.J. ta wordo acusa di labamento di placa riba 30 di maart 2022.
09.45	J.E.d.I.S.D.	D.I.S.D. ta wordo acusa di ladronicia y destruccion riba 29 di december 2022 y di resisti detencion.
10.10	J.G.K.	K. ta wordo acusa di ladronicia riba 10 di september 2023, riba 10 di maart 2023 y 23 di maart 2023, di ladronicia di propiedadnan di un turista riba 27 di maart 2023 y di menaza un persona cu morto riba varios fecha na mei 2023.
11.10	M.M.L.	L. ta wordo acusa di a maltrata un persona riba 24 di maart 2023, dor di dal e mokete den cara.
11.50	M.R.C.	R.C. ta wordo acusa di a maltrata un persona riba 21 di september 2023, dor di dal e varios biaha cu mokete den su cara.
13.30	G.M.M.	M. ta wordo acusa di a menaza un persona cu morto riba 10 y 11 di april 2022. E ta wordo acusa di a menaza personanan riba 18 di maart 2022.
14.45	J.K.R.d.M. E.A.G.T.	R.d.M. y G.T. ta wordo acusa di intento di kiebro y ladronicia riba 15 di juli 2022.
15.30	E.G.S.	S. ta wordo acusa di a maltrata un persona cu un arma (un palo di basora) riba 3 di mei 2023.
14.00	E.M.H. S.A.R.	H. y R. ta wordo acusa di a viola ley di droga riba 9 di september 2023.
14.00	D.J.D.P.	P. ta wordo acusa di a viola ley di droga riba 20 di september 2023. E ta wordo acusa di a maltrata su pareha riba 17 di september 2023.

Corte di Prome Instancia 12 januari 2024

Horario	Sospechoso	Acto Castigabel
08.30	J.M.H.	H. ta wordo acusa di ladronicia y desfalco y heling riba 15 di juli 2022.
10.30	S.J.H.M.	M. ta wordo acusa di menaza cu morto, ladronicia y intento di homicidio riba 6 di juli 2023. E ta wordo acusa di secuestro, maltrato, menaza cu crimen y ladronicia den e periodo di 12 y 25 di januari 2023.

OFICIAL DI E BRIGADA
MOTORISA A DETENE UN
CHAUFFEUR BURACHI NA
WILHELMINASTRAAT



Diadomingo madrugá durante cu e un chauffeur burachi y ora a test e ela brigada motorisa tabata eherciendo surpasa e limite permiti. Esey tabata un control den trafico a bin topa cu suficiente pa detene y kita su rijbewijs.



STATEN VAN ARUBA

OPENBARE VERGADERING OP 10 JANUARI 2024 OM
9:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening tot vaststelling van de begroting van de Raad van Advies voor het dienstjaar 2024
2. Initiatief Ontwerp-landsverordening tot vaststelling van de begroting van de Algemene Rekenkamer voor het dienstjaar 2024) 0
3. Initiatief Ontwerp-landsverordening tot vaststelling van de begroting van de Staten van Aruba voor het dienstjaar 2024

De Griffier,

mr.drs. Herman Ch. J. Hek



VARIOS POLIS A BAY UN APARTAMENTO NA BUBALI PA UN PROBLEMA DI PAREHA NO CASA



Dialuna merdia a drenta informe di un problema entre un pareha no casa na un apartamento na Bubali, mesora a dirigi patruyanan na e sitio. Na prome instante nan a hiba e homber sin boei na warda di polis na Shaba, despues di un rato a pidi refuerso di un otro patruya

y a hiba e muher cu boei na su mannan. Detayenan di loke a pasa no tabata disponible ainda. Ambos a ser hiba na warda di Shaba. Nos a pidi atrobe e oficialnan pa informacion pero nan ta retene e detayenan y no kier revela ningun informacion ainda.



ACCIDENTE PA FALTA DI PREFERENCIA NA CRUSADA KRUISWEG CU CAYA G.F. "BETICO" CROES, CHAUFFEUR BURACHI ENVOLVI DETENI



Diadomingo madruga a drenta informe di un accidente na e crusada Kruisweg cu Caya G.F. "Betico" Croes, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur burachi di e Hyundai Santa Fe biniendo for di Kruisweg no a duna preferencia na e Honda Fit y a dal esaki mande bay dal riba un mata. Polis a test e chauffeur y ela surpasa e liite permiti y a detene pa core auto bao influencia y ocasiona un accidente. Ambulans a presenta pa atende e chauffeur den e Honda Fit.

**Exclusive Deals
for a New Smile**
Don't Miss Out



Public Figure:
Rocco Flava

FREE CONSULTATION

+297 585 3255
+297 592 9398

Facebook: DENTAL SOLUTIONS ARUBA
Instagram: DENTAL SOLUTIONS ARUBA

Minister Endy Croes:

MINISTER ENDY CROES A SORPRESA DIRECTIE ONDERWIJS CU NAN FORMATIE RAPPORT Y INSTELLINGBESLUIT



Recientemente, Minister di Enseñansa y Deporte Endy Croes a haci un bishita oficial na John F. Kennedy Education Center Aruba, unda cu a reuni cu e directora Anne-Marie Proveyer y henter e team di Directie Onderwijs Aruba. Minister Endy Croes a duna un discurso deseando nan un año 2024 fructifero y a indica cu e año aki lo sigui traha riba recomendacion 1, 2, 3, 6, 9, 10 y 11 di e Doorlichting van het Arubaanse Onderwijsbestel. Durante e ocasion special aki, a brinda cu druif pa duna inicio na un año 2024 exitoso.

Ademas, Minister Endy Croes a sorpresa e team di Directie Onderwijs cu e gran noticia cu nan Formatie Rapport y Instellingbesluit ta aproba. Desde año 2017, Directie Onderwijs a haci un peticion pa haya aprobacion di nan Formatie Rapport y na año 2021 cu Minister Endy Croes a tuma encargo di Ministerio di Enseñansa,

nan peticion mas halto riba e lista tabata e Formatie Rapport. Pues, Minister Endy Croes a traha hopi duro riba esaki y final di año 2023 a haya un consejo positivo di Departamento di Recurso Humano (DRH). December año pasa, Minister Endy Croes a presenta e Formatie Rapport na Consejo di Minister y esaki a keda aproba.

Emandatario di Enseñansa a sorpresa tur empleado y staf di Directie Onderwijs cu nan Formatie Rapport y Instellingsbesluit ta aproba y ta valido desde 1 di januari 2024. Esaki ta nifica cu e departamento lo sigui profesionalisa, crece y yega na 83 empleado den e estructura nobo. Esaki sigur tabata un gran noticia pa e team completo di Directie Onderwijs. Minister Endy Croes a desea nan un bon año 2024 den nomber di Gabinete Wever-Croes II y a haci un apelacion pa sigui traha hunto den team e año aki pa logra tur e proyectonan di enseñansa.



STATEN VAN ARUBA

**OPENBARE BIJEENKOMST OP 11 JANUARI 2024 OM
10:00 UUR V.M. IN DE VERGADERZAAL VAN DE STATEN VAN ARUBA**

TE BEHANDELEN ONDERWERP

Agenda:

Presentatie door de Minister van Economische Zaken, Communicatie en Duurzame Ontwikkeling van de 'Economic Outlook' voor 2024-2025.

De Griffier,

mr.drs. Herman Ch. J. Hek

DIP TA ANUNCIA CAMBIO DEN PROCEDURA PA KAVEL DI CARNAVAL. CAMBIONAN TA PA PROTEHE PRIVACIDAD DI PETICIONARIONAN

Januari 2024 – Directie Infrastructuur en Planning (DIP) ta anuncia cambio den procedura pa kavel di Carnaval pa Carnaval 70. Cambionan ta pa salvaguardia Privacidad di Peticionarionan.

E aña aki pa prome biaha DIP ta publica e maneho di Kavel riba www.dip.aw. E maneho aki ta consisti di informacion detaya di proceso y procedura pa bin na remarke pa haya un precariovergunning pa Kavel.

Cambionan pa Carnaval 70:

Manera tur aña, e ganadornan ta ser selecta por medio di un sorteo publico den presencia di Notario. Anteriormente e lista oficial di ganadornan incluyendo e nombrenan completo y adres tabata wordo menciona door di Notario y e informacion tabata wordo publica. Pa proteha privacidad di petionarionan a dicidi di implementa cambio den esaki.

E aña aki **NOMBER Y ADRES DI E GANADOR** DI KAVELS LO NO SER DIVULGA PUBLICO MAS, INCLUYENDO DEMAS INFORMACION SENSITIVO DI E GANADOR, MANERA ID NUMMER, PERSOONSNUMMER, EMAIL, ETC. LO SER PROTEHA SEGUN E MANEHO NOBO. Den lugar di esaki cada peticion tin un number

y na momento cu e wordo saca for di tombola e mesun number ey ta bira number di Kavel. Esaki kiermen cu lo no tin e opcion di selecta un Kavel di preferencia riba mapa. E number aki lo ser uza pa identifica e ganadornan. Esaki lo ta e unico informacion publico. Den e proces-verbaal traha door di e notario lo registra solamente number di Kavel. Pa esnan cu ta desea di mira e proces-verbaal por pasa libremente na oficina di DIP dia 17, 18 of 19 di Januari entre 8:00am te cu 11:00am.

Fecha di Loting

Fecha di loting lo tuma luga diabierna dia 12 di Januari 2024 na DIP. Pues, ultimo dia pa entrega peticion ta diahuebs 11 di Januari. Dia 9 y 10 di Januari porta nan lo keda habri te cu 6:00pm y diahuebs dia 11 januari, lo tuma peticion te cu 6:30pm

Puntonan di Atencion:

- Cada ganador lo ricibi maximo 1 Kavel. Si e number di e mesun persona sali mas cu 1 biaha, e prome biaha so ta valido y esey lo wordo otorga. Esaki tambe ta aplica pa personanan cu ta biba na e mesun adres.
- Si e mesun adres sali mas cu 1 biaha, e prome persona cu registra na e mesun adres

ta esun cu lo ricibi e precariovergunning pa Kavel.

- Por cuminsa pone trailers 1 siman prome cu e parada di Carnaval y mester kita trailers dentro di 1 siman despues di Carnaval.

- Si bo persona ta un ganador di Kavel, ta pidi por favor pa keda pendiente di telefon pasobra lo bo haya un yamada for di DIP informando e siguiente pasonan cu mester tuma pa ricibi e precariovergunning di Kavel. E ganadornan di kavel mester tin un COPIA DI ID Y UN COPIA DI PERSOONSNUMMER.

- Pa esnan cu haya kavel y ta desea di pone tent, lo mester pone propio tent. E aña aki DOW lo NO tin tent disponibel pa huur.

- Bendemento di kavel ta acto ilegal conforme e ley Landsverordening Uitgifte Eigendommen (LUE) y Leges- en Retributie Besluit di DIP. Si bo persona a haya un kavel y no ta interesa mas pa tin un kavel, por entrega esaki na DIP.

- Manera tur aña, por pone sea trailers of tent na Vondellaan. Den L.G. Smith Boulevard No ta permiti pa pone trailers, pues tent solamente.

Pa mas informacion ta invita interesadonan pa download e maneho di Kavel for di www.dip.aw.

IPA TA TENE SU ANOCHI DI INFORMACION TOCANTE 21+ TOETS DIA 10 DI JANUARI 2024

Bo ta desea di haci e estudio pa Maestro di Enseñansa Primario pero pa motibo dicircumstancia di bida bo no a logra termina sea havo, vwo of mbo nivel 4? Cu 21+ Toets bo deseo por bira realidad! Tur persona cu tin desde 1 di september 2025 minimo 21 aña y cu kier haci un estudio na IPA, pero no tin diploma di sea havo, vwo of mbo nivel 4, ta bin na remarca pa haci e asina yama 21+ Toets. 21+ Toets ta midi si bo tin e nivel di havo cu ta necesario pa por studia na IPA. Si bo logra pasa 21+ Toets cu exito bo por inscribi pa un estudio inicial cu IPA lo ofrece durante aña academico 2025-2026. Asina cu bo inscribi bo ta bin na remarca pa participa na e test di admision (beroepstest) y e programa preparatorio (voorprogramma) cu lo tuma luga durante aña academico 2024-2025. Si bo logra pasa e test di admision cu exito y completa e programa preparatorio bo por cuminsa cu bo estudio na augustus 2025.

21+ Toets ta consisti di tres materia entre otro: 1. Hulandes, 2. matematica, 3. hende y comunidad. 21+ Toets ta tuma luga diasabra 13, diamars 16 y diasabra 20 di april 2024.

Anochi di informacion

Diaranson 10 di januari 2024, IPA ta tene un anochi di informacion na unda lo splica kico 21+ Toets ta encera. Alabes lo elabora riba contenido y trata ehempel di tarea pa e materianan cu ta forma parti di e 21+ Toets. E anochi di informacion ta di 7:00 pm - 8:30 pm y lo tuma luga den Sala Madonna na IPA (Isaac Wagemakerstraat 11, San Nicolas).

Inscripcion

Tur persona cu ta interesa pa haci 21+ Toets por inscribi via e website www.ipaaruba.com. Pa por inscribi mester cumpli cu pago di AWG 80,- y pone como anexo un copia di e comprobante di pago den e formulario digital di inscripcion. Tene na cuenta cu e comprobante mester tin bo




number riba dje, p'asina nos sa na ken e pago ta pertenece. Na final bo lo ricibi un confirmacion di bo inscripcion. E ultimo dia pa inscribi pa 21+ Toets ta 31 di januari 2024. Despues di e fecha aki no tin posibilidad mas pa inscribi.

Pa keda altanto di e ultimo desaroyonan di IPA bishita www.ipaaruba.com y sigui nos riba e pagina di facebook Instituto Pedagogico Arubano.

Minister Ursell Arends:

LUNA DI JANUARI TA LUNA DI MICROCHIP BO MASCOTA



den un sistema di registracion di mascota central. Ministerio di Naturalesa a desaroya un sistema di registracion di mascota yama "Aruba Pet Registry" den cuadro di esaki.

Doño di mascota por microchip nan cacho of pushi pa solamente Awg. 25,-, un suma subsidia door di Ministerio di Naturalesa, y por haci un cita na tur veterinario. E pasonan cu mester tuma ta lo siguiente:

- Scoge un veterinario preferi
- Tuma contacto cu e veterinario pa haci un afspraak pa microchip bo mascota
- Presenta riba e fecha di afspraak y paga solamente Awg. 25,- pa e chip

Dicon microchipping ta importante?

E beneficio primordial di e microchip ta, cu den caso cu bo mascota perde e por wordo identifica via e microchipreader door di tur veterinario, fundacionnan, KPA, BCI y tambe Centro di Control di Cacho. Esaki tin como beneficio cu e mascota por yega mas lihe na abo como su doño. Ora bo mascota tin su microchip

e ta wordo automaticamente registra na e sistema central "Aruba Pet Registry", esaki ta crea un identidad propio pa bo mascota. Microchipping ta importante no solamente pa bo mascota pero como doño di e mascota bo ta contribui tambe na un bon causa, cu ta enfoca ariba e desaroyo di e prome sistema di registracion central pa mascota di Aruba. Esaki ta un di prome pasonan pa haci un efecto positivo ariba e bienestar di nos mascotanan aki na Aruba.

Abo ta un doño responsabel pa bo mascota?

Un mascota sea cacho of pushi por biba te cu 15 aña y si bo cuid'e bon e por biba hopi mas. Pero un mascota ta un ser bibo y domestico, esaki ta nifica cu e ta depende 100% di bo como su doño. Kico tur bo mester tene cuenta cu ne ora bo busca un mascota? Esaki ta un lista pa duna un bista di kico ta importante:

- Cuminda y awa limpi tur dia
- Luga cu sombra pa sconde for di elementonan natural entre otro: biento, solo y awa
- Microchip pa e wordo registra oficial como bo mascota
- Sterilisacion (spay & neutering) pa ambos macho y



hembra pa evita cu e ta haya puppies of kittens inespera

- Cuido medico, vacuna, vitamina, medicamento contra carpata y bichi di curason etc.

Ban pone como meta e aña aki pa nos bira un isla ehemplar pa asina demostra cu nos ta doñonan responsabel pa nos mascotanan.

Por tuma contacto cu Centro di Control di Cacho na 5929777 of bishita www.amitaresponsabel.org pa mas informacion. Corda Microchip bo mascota pa asina e wordo registra oficial y tambe sterilisa bo cacho pa e no reproduci y contribui na e problematica di sobre poblacion na Aruba. Ban sea doño responsabel pa nos mascota.

Den aña 2024 Minister Ursell Arends ta continua cu e campaña microchipping di mascota. E biaha aki ta enfoca pa microchipping di ambos cacho y pushi, conscientisando doñonan di mascota di e beneficio pa microchip nan mascota.

Kico ta Microchipping?

Microchip ta un obheto micro (chikito) cu tin informacion di mascota y su doño. E chip aki ta wordo inyecta bou di e cuero di un cacho of pushi. E microchip ta hopi chikito y ta wordo pon'i den menos di 2 seconde via un hangua pa un veterinario profesional. Asina cu e tin e microchip e veterinario ta registra tur informacion di rasa, genero, nomber, característica y informacion di e veterinario y doño

Prome Minister Evelyn Wever-Croes:

PROME MINISTER TA REUNI VIA ZOOM CU 'MINISTER OF LEGAL AFFAIRS Y ATTORNEY GENERAL' DI GUYANA



—Diamaras 9 di januari, Prome

Minister Evelyn Wever-Croes a reuni cu e 'Minister of Legal Affairs y Attorney General di Guyana', señor Mohabir Anil Nandlall. Señor Nandlall a bishita Aruba pa e congreso recién di CFATF y a keda impreciona di Aruba. Durante su bishita, señor Nandlall a reuni cu varios persona na Aruba pa haya mas informacion riba nos suministro di alimento.

Den un recepcion recién, Prome Minister a topa Señor Nandlall kende a haci un peticion pa haci

un reunion via zoom cu a tuma luga diamars mainta. Den e reunion, diferente topico di interes comun a wordo trata entre otro e cooperacion entre Aruba y Guyana pa importa fruta y berdura di Guyana. Prome Minister a indica cu Gobierno lo sigui explora e posibilidad aki cu por nifica fruta y berdura mas fresco y mas barata.

"Den aña di Stabilidad y Prosperidad, ta importante pa sigui mantene laso cu Guyana y



explora tur posibilidad pa Aruba pa haya productonan alimenticio mas lihe y mas barata cu lo ta beneficia Aruba", Prome Minister a expresa.

MINISTER ENDY CROES TA FELICITA SETAR N.V. CU UN EXITOSO Y FABULOSO CONCIERTO DI GALA TRIBUTE 70 YEARS OF CARNIVAL MUSIC



Diabierna ultimo, Minister Endy Croes acompaña pa su kerida esposa

Dilailah Croes a atende e concierto di gala Tribute 70 years of Carnival

Music organisa pa Setar N.V. Minister Endy Croes a representa Minister di Cultura Xiomara Maduro na e ocasion special aki. Un anochi di gala unda cu a conmemora e bunita aniversario di Carnaval 70.

E meta di e concierto nostalgico aki ta pa crea un coleccion di nos musica di Carnaval y documenta esaki como parti di nos herencia cultural pa nos generacion y futuro generacionnan. Alrededor di 23 cantante a presenta e temanan mas popular y memorabel di nos historia di carnaval. Diferente artista grandi di e tempo ey a presenta e anochi aki, manera Baptiste cu a interpreta e cancionnan di Lord Boxo, Mighty Red di S United, Rusty y Lady K. E cantantenan



tabata acompaña pa un tremendo orkestra cu a consisti di musiconan local y internacional bou guia di Sr. Carlos Bislip. Esnan presente sigur por a disfruta di un bunita, magno y fabuloso evento yena cu ambiente y nostalgia.

Pa finalisa, Minister Endy Croes ta felicita director di Setar N.V. Sr. Roland Croes y ekipo completo di Setar cu a prepara e evento aki, un bunita iniciativa cu a hiba tur hende bek den tempo cu recuerdo di e tempo ey te cu aworaki.

Prome Minister Evelyn Wever-Croes:

Representando Su Mahestad Rey Willem Alexander,

PROME MINISTER LO TA NA GUATEMALA PA TRASPASO DI MANDO PA PRESIDENTE NOBO CÉSAR BERNARDO ARÉVALO

- E siman aki, varios dignatario di paisnan lo ta na Guatemala pa traspaso di mando pa Presidente elegi den e César Bernardo Arévalo de León cu lo ta tumando luga den fin di siman. Prome Minister Evelyn Wever-Croes lo biaha pa Guatemala na

unda e lo representa SM Rey Willem Alexander na e acto di instalacion.

Presidente Arévalo ta un sociólogo, diplomatico, politico y presidente elegi di Guatemala na augustus ultimo cu un mayoria absoluto di voto. Señor Arévalo ta yiu di ex presidente di Guatemala na 1945 pa 1951 y lo wordo inaugura como e di 52 presidente di Guatemala diadomingo 14 di januari proximo. Presidente Arévalo a forma su

Gabinete di 7 hende muhe y 7 hende homber.

Den nomber di Gobierno di Aruba y pueblo di Aruba en general, Prome Minsiter ta felicita e pueblo di Guatemala cu nan Presidente nobo y ta spera cu e pueblo por brinda Presidente Arévalo tur sosten pa realisa locual ta necesario pa e pais y cumpli cu su programa di gobernacion pa e proximo periodo presidencial, concentrando riba bienestar pa un y tur.



2 Cacho a ataca un homber di edad na Pavia te bente abao resultando mas herida




Dialuna atardi a drenta informe di cu 2 cacho a

ataca un peaton na Pavia, mesora a dirigi tanto polis como ambulans na e sitio. Na yegada di e patruya a bin compronde cu e 2 cachonan aki a ataca e homber di edad te bente abao hendenan pasando a purba aleha e cachonan fo di e homber herida. Na yegada di e ambulans a nota mordinan di e cachonan y tambe un herida di e caida. Ambulans a atende e victima y a transporte pa hospital.



2 Motociclista herida despues di cu auto a pasa dalnan na rotonde Balashi y sigi core bay!




MANERA A ANUNCIA ASINA TAMBE A SOSODE CONTROL PREVENTIVO NA TUR PARTI SOSPECHOSO



Diadomingo madruga manera a anuncia cu lo bay tin control preventivo, asina tambe a


sosode. Polisnan atento a nota algun hoben cu a bay subi un Nissan March y mesora a acer-

ca nan y tene un control preventivo riba nan y e auto tambe.



Diadomingo madruga a drenta informe di un accidente cu hende herida na e rotonde Balashi, mesora a dirigi tanto polis cu ambulans na e sitio. Na yegada di e patruya a bin compronde cu aki ta trata di un

accidente unda un auto a pasa dal e brommer cu 2 persona riba dje benta nan abao y a bay laganan herida atras. Na yegada di e 2 ambulansnan a atende e victimanan y a transporta nan pa hospital.



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

E PIKANAN DI INMORALIDAD Y DI DESHONESTO

Den Bijbel Genesis 19: 1-23;

E dos angelnan a jega na e ciudad di Sodoma atardecer. Lot tabata sinta na e entrada di e ciudad. Ora Lot a mira e angelnan, el a lanta bai ricibinan y a hinka rudia y a buig te na suela. I a bisa nan: "Sea asina bon di bin pasa anochi na mi cas. Mayan mainta trempan, boso por sigi boso caminda." Nan a bisa: "No, nos lo pasa e anochi na plaza."

Pero Lot a insisti tanto, cu nan a sigi Lot na su cas, na unda Lot a prepara un bon cuminda pa

nan y a traha pan sin zuur-deeg y nan a come.

Pero prome cu nan tabata bai drumi, tur e hombernan di Sodoma, sin excepcion di hobennan y ancianonan, nan a rondona e cas. Nan a jama Lot y a bis'e: "Na unda e hombernan ta, cu a jega bo cas anochi? Sakanan afo, pa nos tene relacion sexual cu nan." Lot a sali y serando e

porta a bisanan: "Mi ta roga boso mi rumannan, no comete tal maldad aki."

Pero nan a responde: "Hala un banda, bo a bini como extranjero y bo kier actua como huez. Awor nos lo bai trata'bo peor cu e otro nan."

Nan a pusha Lot un banda y nan a cuminsa kibra e porta pa drenta. Pero e dos angelnan cu tabata para na e porta, a haci tur di nan bira ciego, desde di e mas hobennan te hasta di e mas ancianonan y nan tur no por a mira mas.

E dos angelnan a bisa Lot: "Bo tin di sali for di e ciudad aki, tuma bo yiunan y tur loke ta

pertenece bo. Nos ta bai destrui e ciudad aki, pues ta hopi ta e kehonan pisa tin contra di e

habitantenan di Sodoma y a jega te na Dios. Y Dios a manda nos pa destrui el'e. Solo a caba di sali, ora Lot y su famia a jega Soar. E ora ey Dios a laga jobe riba Sodoma y Gomorra, candela y asufre, cu a bini for di cielo. Y asina Dios a destrui e dos ciudadnan grandi cu tur su habitantenan, henter e region y cu tur loke tabata crese eyan."

Awor nos por comprende, cu e dos ciudadnan grandi di Sodoma y Gomorra tabata habita pa homosexualnan, lesbianan y bisexualnan etc. Tur e hombernan di Sodoma incluyendo

hobennan y ancianonan a rondona e cas di Lot y nan a bisa Lot: "Na unda e hombernan ta, cu a jega bo cas anochi? Sakanan afo, pa nos tene relacion sexual cu nan. Y Lot a bisanan: "Mi ta roga boso, no comete tal maldad aki."

E maldad aki cu Lot a bisa, ta e pikanan di deshonesto y di inmoralidad na unda cu nan ta

deshonra nan curpa den e mesun sexo, cu ta oral y anal sex. P'esey, Dios a laga candela y azufre devora tur e habitantenan y tur nan alma a wordo condena y tira den fierno pa eternidad.

P'esey, akinan no ta trata di libertad di expresion, akinan no ta trata di discriminacion, akinan no ta trata di referendum, akinan no ta trata di union civil, akinan no ta trata di derechonan humano, akinan no ta trata di igualdad etc..

Pero akinan ta trata, cu e palabranan di Dios mester wordo respeta y cumpli y cu e Leynan di Dios mester wordo obedece.

Dios ta bisa den Bijbel Levitico 18: 22 ; "Lo bo no



tin relacion sexual cu un homber manera cu sa haci cu un muher, esey ta algo abominabel."

Tambe Dios ta bisa bon cla den Bijbel Levitico 20: 13 ; " E homber cu drumi cu un homber

manera ta drumi cu un muher, nan dos ta comete actonan repugnante, nan dos lo muri y nan

sanger lo cai riba nan." Condenacion, Bijbel 1 Corinthionan 6: 9-10 :

"Bosonan no sabi cu esnan cu ta comete inhusticia, nan lo no drenta den e Reino di Dios? No ganja boso mes! Na esnan cu ta bishita e prostitutanan, na esnan cu ta adora diosnan falso, na esnan cu ta comete adulterio,

na esnan cu ta haci relacion sexual prohibi, na esnan kibradornan di matrimonio, na esnan homosexualnan, na esnan cu ta drumi cu homosexual, na e abusadornan di hobennan, na e

ladronnan, na e golosnan pa plaka, na e alcoholiconan, na e calumniadornan, na e ganjadornan, ningun di nan lo no drenta den e Reino di Dios."

Awor, e hendenan di Sodoma y Gomorra, ta nace nan a nace homosexual, lesbiana etc. of ta bira nan a bira asina pa motibo di e tentacionnan

inmoral, pa motibo di e abusonnan sexual y pa motibo di e mal pasionnan sexual di satanas haci pa su discipelnan? Awor, ta cual di e leynan


boso nan kier bin impone pa e pueblo? E leynan di satanas y di su discipelnan pa hendenan

wordo condena den candela di fierno mescos cu Sodoma y Gomorra? Of e leynan di Dios pa hendenan wordo salba y pa nan por drenta den Gloria di Dios? Den e Ley-

nan y den e Mandamentonan di Dios den Bijbel ta bisa: "Lo bo no comete e pikanan di relacionnan sexual prohibi, no comete e pikanan di inmoralidad y no comete e pikanan di deshonesto."

Awor, ta na unda bo kier bay despues di morto? Den candela di fierno pa eternidad of den e Gloria di Dios pa bida eterna?

Seferino Tromp



Obituario

Publica serka nos anuncio di fayecimento di bo ser kerí.

Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na

585-9500 of na 741-4554



Chauffeur burachi a bay dal riba e rapid responder di ambulans, polis a detene



Diadomingo madruga a drenta informe di un accidente cu un vehiculo di emergencia involvi banda di Royal Plaza, mesora a dirigi polisnan den cerca-

nia pa e sitio. Na yegada di e patruya a bin compronde cu e chauffeur burachi di e Nissan March a bay dal den banda di e Rapid Responder di servicio di am-

bulans. afortunadamente ningun hende a resulta herida. Polis a detene e chauffeur burachi cu a causa e accidente aki.



Polis a para un dama chauffeur pa un infraccion na rotonde Hato



Diadomingo mainta polisnan atento riba patruya a tuma nota di un infraccion

di un dama chauffeur, mesora nan a sende nan lus di emergencia y e auto a

para. Polis a hala atencion di e dama chauffeur pa e infraccion cometi.

ORACION DI DIA




Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo voluntad y biba den harmonia cu otro. Amen.

NA MONTAÑA UN PAREHA A PLEITA DILANTI NAN YIUNAN Y E DAMA A STAKA E HOMBER NA SU ZIJ



Diadomingo anochi a drenta informe di cu un mucha ta bisa cu nan mayornan ta pleitando den cas y ta tirando cosnan rond y hasta e muher a staka e homber cu un botter na su zij, mesora a dirigi tanto polis como ambulans na e sitio.

Na yegada di e patruya

a haya nan mes den un situacion unda tur e pleito aki tabata tumando lugar dilanti nan yiunan di 17 y 15 aña. Polis a nota cu e homber tabata herida y tabata keha di dolor.

NA yegada di e ambulans nan a atende e homber y mester a hib'e hospital.

Polis a detene e dama y a transporte pa warda di polis. Mientras e yiunan a ser hiba pa slachtofferhulp. e investigadornan tecnico y forensico tambe a presenta pa documenta e hechonan y rondia e evidencianan y pruebanan cu por tin pa cu e investigacion.



Polis a bay Bushiri pa un pelea di pareha den oranan di madrugada!



Diadomingo madrugada a drenta informe di un pelea di pareha na Bushiri me-

sora a dirigi patruya na e sitio.

Na yegada di e patruya a

bin compronde cu a surgi un discucion cual despues a escala.



Polis a tuma datos di locu- al a sosode.

Clasificados

Icons representing various services: car, house, shopping cart, briefcase, tools, and people.

CLASIFIEDS

SOLODIPUEBLO@GMAIL.COM
CEL. 585 9500

SOLO De Pueblo

Taekwondo Team Aruba a habri aña ta preparando pa Surinam



Despues di 1 siman di shmar Wever a sigui cu vakantie Master Clifford training pa prepara e team Rasmijn y Master Yo- di Aruba pa e di 10 TK5 na



Surinam. Aruba tin e victoria di ta 9 aña consecutivo campeon di e TK5 na Surinam. E aña aki e meta ta pa gana e di 10 copa na Surinam.

Pa Aruba ta bon prepara mester keda train y enfoca ariba e team di Aruba cu ta bay Surinam.



PRONOSTICO DI TEMPO

VALIDO TE DIARANSON 10 DI JANUARI 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO PASAJERO TE BREVE

AVISO/ ALERTA:

UN AVISO PA BOTO CHIKITO PA PARTINAN OOST TE NOORDWEST DI COSTA Y LAMA HABRI TA AWOR NA VIGOR TE DIAHUEBS 6 PM.

PRONOSTICO DI TEMPO PA PROXIMO 3 DIANAN:


PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA

TE BASTA FUERTE, FUERTE TE POSIBLEMENTE DURO DEN RAFAGA;

TEMPERATURA (GRADO CELSIUS) MAX / MIN LO TA: 32 / 26

Chauffeur no a regula su velocidad ni a mantene distancia a bay dal tras di auto na Boegoeroei




Diadomingo madruga a drenta informe di un accidente cu hende herida na Boegoeroei, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un chauffeur no a regula su velocidad ni a mantene distancia a bay dal tras di e auto su dilanti.

Debi na e impacto e chauffeur cu a dal tras di e otro a dal su cabes.

Na yegada di e ambulans nan a atende e victima na e sitio mes.

Varios patruya a bay Nikky Beach pa un bringamento unda un homber na preto tabata tira botter



Diadomingo atardi a drenta informe di cu tin un bringamento na Nikky Beach, mesora a dirigi patruyan na e sitio. Na yegada di e patruya a bin compronde cu e homber a subi den un auto blanco y a bay for di e sitio.

Polis a bay Mahuma pa un dama cu cacho a morde riba bais

Diadomingo anochi a drenta informe di cu un cacho a morde un dama cu tabata core bicicleta na

Mahuma, mesora a dirigi un patruya na e sitio. Na yegada di e patruya na

e sitio polis no a logra haya e dama y a tira bista rond wak si por mira e dama of e cacho pero sin resultado.



Polis a bay na un apartamento na Hooiberg pa un caso di maltrato y menasa entre un pareha



Dialuna mainta a drenta informe di un caso di maltrato cu menasa entre un pareha.

Mesora a dirigi un patruya

na e sitio, na yegada di e patruya a bin atende cu e caso aki y a splica con pa nan cana den e caso pa asina evita violencia y menasa.

Polis a bay Stadionweg pa un dama maltrata



Diadomingo madruga a drenta informe di un caso unda un dama ta seriamente maltrata na Stadionweg, mesora a dirigi un patruya na e sitio. Na yegada di e patruya nan no a haya ningun dama pero a bin shield destrui, marcanan di sanger un schroefdraai y un yabi benta abao.





Polis y bombero a bay na Triangostraat pa un cas na candela



Dialuna atardi a drenta informe di cu tin un cas na candela na Triangostraat, mesora a dirigi tanto polis como bombero. Na yegada di e patruya a bin compronde cu e cas ta yen di huma y esey ta debi na e stoof. Na yegada di bombero a paga e candela y a habri e cas pa saca e huma. Afortunadamente ningun hende a resulta herida ni kima den e suseso aki.

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado : Sorteo 08 Jan 2024 Anochi</div>		
<div><div>CATOLCHI</div><div>Sorteo # 8140</div><div>5101</div><div>1895</div><div>7051</div><div>MULTI X</div><div>x2</div><div>BIG 4</div><div>Sorteo # 7184</div><div>9823</div><div>151</div><div>DIFF</div><div>Sorteo # 1889</div><div>0196</div><div>ZODIAC</div><div>Sorteo # 5943</div><div>1902</div><div>Libra</div><div>LUCKY 3</div><div>Sorteo # 873</div><div>758</div><div>MULTI X</div><div>x2</div></div>	<div><div>LOTTO 5</div><div>Sorteo #</div><div>0 x Jackpot</div><div>0 x Match 4+</div><div>0 x match 4</div><div>0 x Afl. 12,00</div></div> <div><div>Joker</div><div>Letter</div><div>Proximo Jackpot</div><div>260.000,-</div></div>	
<div><div>LOTTO DIA</div><div>Sorteo # 6352</div><div>0 x Jackpot</div><div>3 x Match 4</div><div>151 x Afl 8,00</div></div> <div><div>05-06-08-18-29</div><div>Proximo Jackpot</div><div>61.000,-</div></div>		
<div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div></div> <div><div>Mega Ball:</div><div>Proximo Jackpot</div><div>350.000,-</div></div>		
<div><div>MEGA PLUS</div><div>Afl. 450.000,-</div></div>		
<div><div>KORSOU</div><div>Sorteo #</div></div>		<div></div>

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado : Sorteo 09 Jan 2024 Merdia</div>		
<div><div>CATOLCHI</div><div>Sorteo # 4147</div><div>0537</div><div>3732</div><div>3068</div><div>MULTI X</div><div>x2</div><div>BIG 4</div><div>Sorteo # 4147</div><div>0939</div><div>DIFF</div><div>Sorteo # 2203</div><div>8223</div><div>ZODIAC</div><div>Sorteo # 4147</div><div>2939</div><div>Aries</div><div>LUCKY 3</div><div>Sorteo # 1021</div><div>779</div><div>MULTI X</div><div>FP</div></div>	<div><div>LOTTO 5</div><div>Sorteo #</div><div>0 x Jackpot</div><div>0 x Match 4+</div><div>0 x match 4</div><div>0 x Afl. 12,00</div></div> <div><div>Joker</div><div>Letter</div><div>Proximo Jackpot</div><div>260.000,-</div></div>	
<div><div>LOTTO DIA</div><div>Sorteo #</div><div>0 x Jackpot</div><div>0 x Match 4</div><div>0 x Afl 8,00</div></div> <div><div>Proximo Jackpot</div><div>61.000,-</div></div>		
<div><div>MEGA</div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div></div> <div><div>Mega Ball:</div><div>Proximo Jackpot</div><div>350.000,-</div></div>		
<div><div>MEGA PLUS</div><div>Afl. 450.000,-</div></div>		
<div><div>KORSOU</div><div>Sorteo #</div></div>		<div></div>